

問彼沙彌用作何等二沙彌白王言王因我故施與眾僧綃及劫貝我欲令大王染成其色施與眾僧時王作是念我雖心念口未發言此二達士得他心智而知我心王即誓首敬禮眾僧而說偈言

孔雀之族姓 內外親眷屬 因此惠施故

悉皆獲大利 遭值良福田 歡喜應時施

時王語沙彌言我因汝等施僧衣施僧衣已復以三衣并四億萬兩珍寶觀五部眾呪願已復以四十億萬兩珍寶贖取閻浮提宮人姝女及太子群臣阿育王所作功德無量如是

雜阿含經卷第二十三

川三

二十五末

荆棘上居力反疔瘕上於今反嬉喜之反繖桑反  
反餉式亮反殞上必下進反擗打反打上音瓜反針且反  
反航胡郎反艇先見反燥先老反  
反巨廉反粗械上勅柳反鏤戶郭反曰巨九反係古詣反

雜阿含經卷第二十四

川四

宋天竺三歲求那跋陀羅譯

第五誦道品第一

如是我聞一時佛住舍衛國祇樹給孤獨園爾時世尊告諸比丘有四念處何等為四謂身身觀念處受心法法觀念處佛說此經已

諸比丘聞佛所說歡喜奉行

如是我聞一時佛住舍衛國祇樹給孤獨園爾時世尊告諸比丘有四念處何等為四謂身身觀念處受心法法觀念處如是比丘於此四念處修習滿足精勤方便正念正知應當學佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園爾時世尊告諸比丘有一乘道淨諸眾生令越憂悲滅苦惱得如實法所謂四念處何等為四身身觀念處受心法法觀念處佛說此經已諸比丘聞佛所說歡喜奉行

尔時世尊告諸比丘若比丘離四念處者則離如實聖法離如實聖法者則離聖道離聖道者則離甘露法離甘露法者不得脫生老病死憂悲惱苦我說彼於苦不得解脫若比丘不離四念處者得不離聖如實法不離聖如實者則不離聖道不離聖道則不離甘露

法不離甘露法者得脫生老病死憂悲惱苦我說彼人解脫眾苦佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園尔時世尊告諸比丘我今當說四念處集四念處沒諦聽善思何等為四念處集四念處

沒食集則身集食滅則身沒如是隨身集觀住隨身滅觀住隨身集滅觀住則無所依住於諸世間永無所取如是觸集則受集觸滅則受沒如是隨集法觀受住隨滅法觀受住隨集滅法觀受住則無所依住於諸世間都無所取名色集則心集名色滅則心沒隨滅

法觀心住隨滅法觀心住隨集滅法觀心住則無所依住於諸世間則無所取憶念集則法集憶念滅則法沒隨集法觀法住隨滅法觀法住隨集滅法觀法住則無所依住於諸世間則無所取是名四念處集四念處沒佛說此經已諸比丘聞佛所說歡喜奉行

川四

二

如是我聞一時佛住舍衛國祇樹給孤獨園尔時世尊告諸比丘我當說修四念處諦聽善思云何修四念處謂內身身觀念住精勤方便正智正念調伏世間憂悲外身內外身觀住精勤方便正念正智調伏世間憂悲如是受心法內法外法內外法觀念住精勤方便正念正知調伏世間憂悲是名比丘修四念處佛說此經已諸比丘聞佛所說歡喜奉行過去未來修四念處亦如是說

如是我聞一時佛住舍衛國祇樹給孤獨園尔時世尊告諸比丘有善法聚不善法聚云何善法聚所謂四念處是為正說所以者何

純一滿淨聚者所謂四念處云何爲四謂身  
身觀念處受心法法觀念處云何不善聚不  
善聚者所謂五蓋是爲正說所以者何純一  
逸滿不善聚者所謂五蓋何等爲五謂貪欲  
蓋瞋恚蓋睡眠蓋掉悔蓋疑蓋佛說此經已  
諸比丘聞佛所說歡喜奉行

如是我聞一時佛住舍衛國祇樹給孤獨園  
尔時世尊告諸比丘如人執持四種強弓大  
力方便射多羅樹影疾過無礙如是如來四  
種聲聞增上方便利根智慧盡百年壽於如  
來所百年說法教授唯除食息補瀉睡眠中  
間常說常聽智慧明利於如來所說盡底受

川四

三

持無諸障礙於如來所不加再問如來說法  
無有終極聽法盡壽百歲命終如來說法猶  
不能盡當知如來所說無量無邊名句味身  
亦復無量無有終極所謂四念處何等爲四  
謂身念處受心法念處佛說此經已諸比丘  
聞佛所說歡喜奉行

一切四念處經皆以此摠句所謂是故比丘  
於四念處修習起增上欲精勤方便正念正  
智應當學

如是我聞一時佛住舍衛國祇樹給孤獨園  
尔時世尊告諸比丘有不善聚善聚何等爲  
不善聚謂三不善根是名正說所以者何純  
不善積聚者謂三不善根云何爲三謂貪不  
善根恚不善根癡不善根云何爲善聚謂四  
念處所以者何純善滿具者謂四念處是名  
善說云何爲四謂身念處受心法念處佛說  
此經已諸比丘聞佛所說歡喜奉行  
如三不善根如三惡行身惡行口惡行意

惡行三想欲想恚想害想三覺欲覺恚覺害  
覺三界欲界恚界害界佛說此經已諸比丘  
聞佛所說歡喜奉行

如是我聞一時佛住舍衛國祇樹給孤獨園  
時有異比丘來詣佛所誓首佛足退坐一面  
白佛言世尊如所說大丈夫云何名大丈夫

非大丈夫佛告比丘善哉善哉比丘能問如來大丈夫義諦聽善思當為汝說若比丘身身觀念住彼身身觀念住已心不離欲不得解脫盡諸有漏我說彼非為大丈夫所以者何心不解脫故若比丘受心法法觀念住心不離欲不得解脫盡諸有漏我不說彼為大丈夫所以者何心不解脫故若比丘身身觀念住心得離欲心得解脫盡諸有漏我說彼為大丈夫也所以者何心解脫故若受心法法觀念住受心法法觀念住已心離貪欲心得解脫盡諸有漏我說彼為大丈夫所以者何心解脫故是名比丘大丈夫及非大丈夫

川四

四

佛說此經已諸比丘聞佛所說歡喜隨喜禮足而去如是我聞一時佛住舍衛國祇樹給孤獨園尔時尊者阿難晨朝著衣持鉢入舍衛城乞食於路中思惟我今先至比丘尼寺即往比丘尼寺諸比丘尼遙見尊者阿難來疾敷牀座請令就坐時諸比丘尼禮尊者阿

難足退坐一面向尊者阿難我等諸比丘尼修四念處繫心住自知前後昇降尊者阿難告諸比丘尼善哉善哉姊妹當如汝等所說而學凡修習四念處善繫心住者應如是知前後昇降時尊者阿難為諸比丘尼種種說法種種說法已從座起去尔時尊者阿難於舍衛城中乞食還舉衣鉢洗足已詣世尊所替首佛足退坐一面以比丘尼所說具白世尊佛告阿難善哉善哉應如是學四念處善繫心住知前後昇降所以者何心於外求然後制令求其心散亂心不解脫皆如實知若比丘於身身觀念住於彼身身觀念住已若身耽睡心法懈怠彼比丘當起淨信取於淨相起淨信心憶念淨相已其心則悅悅已生喜其心喜已身則倚息身倚息已則受身樂受身樂已其心則定心定者聖弟子當作是學我於此義外散之心攝令休息不起覺想及已觀想無覺無觀捨念樂住樂住已如實

川四

五

知受心法念亦如是說佛說此經已尊者阿難聞佛所說歡喜奉行

如是我聞一時佛住舍衛國祇樹給孤獨園  
尔時世尊告諸比丘當取自心相莫令外散  
所以者何若彼比丘愚癡不辯不善不取自  
心相而取外相然後退滅自生障礙譬如廚  
士愚癡不辯不善巧便調和眾味奉養尊主  
酸鹹酢淡不適其意不能善取尊主所嗜酸  
鹹酢淡眾味和之不能親侍尊主左右伺其  
所須聽其所欲善取其心而自用意調和眾  
味以奉尊主若不適其意尊主不悅不悅故  
不蒙爵賞亦不愛念愚癡比丘亦復如是不  
辯不善於身身觀住不能除斷上煩惱不能  
攝取其心亦復不得內心寂靜不得勝妙正  
念正知亦不得四種增上心法現法樂住本  
所未得安隱涅槃是名比丘愚癡不辯不善  
不能善攝內心之相而取外相自生障礙若  
有比丘黠慧才辯善巧方便取內心已然後

取於外相彼於後時終不退滅自生障礙譬  
如廚士黠慧聰辯善巧方便供養尊主能調  
眾味酸鹹酢淡善取尊主所嗜之相而和眾  
味以應其心聽其尊主所欲之味數以奉之  
尊主悅已必得爵祿愛念信重如是黠慧廚  
士善取尊主之心比丘亦復如是身身觀念

住斷上煩惱善攝其心內心寂止正念正知  
得四增上心法現法樂住得所未得安隱涅槃  
是名比丘黠慧辯才善巧方便取內心相攝  
持外相終無退滅自生障礙受心法觀亦復  
如是佛說此經已諸比丘聞佛所說歡喜奉行  
如是我聞一時佛住舍衛國祇樹給孤獨園  
尔時世尊告諸比丘過去世時有一鳥名曰  
羅婆為鷹所捉飛騰虛空於空鳴喚言我不  
自覺忽遭此難我坐捨離父母境界而遊他  
處故遭此難如何今日為他所困不得自在  
鷹語羅婆汝當何處自有境界而得自在羅  
婆答言我於田耕壟中自有境界足免諸難

川四

六

是為我家父母境界鷹於羅婆起憍慢言放  
 汝今去還耕壟中能得脫以不於是羅婆得  
 脫鷹爪還到耕壟大塊之下安住止處然後  
 於塊上欲與鷹鬪鷹則大怒彼是小鳥敢與  
 我鬪瞋恚極盛迅飛直搏於是羅婆入於塊  
 下鷹鳥飛勢臆衝堅塊碎身即死時羅婆鳥

深伏塊下仰說偈言

鷹鳥用力來 羅婆依自界 乘瞋猛盛力  
 致禍碎其身 我具足通達 依於自境界  
 伏怨心隨喜 自觀欣其力 設汝有凶愚  
 百千龍象力 不如我智慧 十六分之一  
 觀我智勝殊 摧滅於倉鷹

如是比丘如彼鷹鳥愚癡自捨所親父母境  
 界遊於他處致斯灾患汝等比丘亦應如是  
 於自境界所行之處應善守持離他境界應  
 當學比丘他處他境界者謂五欲境界眼見  
 可意愛念妙色欲心染著耳識聲鼻識香舌  
 識味身識觸可意愛念妙觸欲心染著是名

比丘他處他境界比丘自處父母境界者謂  
 四念處云何為四謂身身觀念處受心法法  
 觀念處是故比丘於自行處父母境界而自  
 遊行遠離他處他境界應當學佛說此經已  
 諸比丘聞佛所說歡喜奉行

如是我聞一時佛住舍衛國祇樹給孤獨園

川四

七

爾時世尊告諸比丘於四念處多修習當得  
 四果四種福利云何為四謂須陀洹果斯陀  
 含果阿那含果阿羅漢果佛說此經已諸比  
 丘聞佛所說歡喜奉行

如是我聞一時佛在拘薩羅人間遊行於私  
 伽陀聚落北身恕林中爾時世尊告諸比丘  
 過去世時有緣幢技師肩<sub>上</sub>豎幢語弟子言  
 汝等於幢上下向護我我亦護汝迭相護持  
 遊行嬉戲多得財利時技弟子語技師言不  
 如所言但當各各自愛護遊行嬉戲多得財  
 利身得無為安隱而下技師答言如汝所言  
 各自愛護然其此義亦如我說已自護時即

是護他他自護時亦是護己心自親近修習  
隨護作證是名自護護他云何護他自護不  
恐怖他不違他不害他慈心哀彼是名護他  
自護是故比丘當如是學自護者修四念處  
護他者亦修四念處佛說此經已諸比丘聞  
佛所說歡喜奉行

如是我聞一時佛住王舍城迦蘭陀竹園  
時世尊告諸比丘大雪山中寒冰險處尚無  
猿猴況復有人或復有山猿猴所居而無有  
人或復有山人獸共居於猿猴行處獵師以  
糲塗其草上有點猿猴遠避而去愚癡猿猴  
不能遠避以手小觸即膠其手復以二手欲  
解求脫即膠二手以足求解復膠其足以口  
齧草輒復膠口五處同膠聯拳卧地獵師既  
至即以杖貫擔負而去比丘當知愚癡猿猴  
捨自境界父母居處遊他境界致斯苦惱如  
是比丘愚癡凡夫依聚落住晨朝著衣持鉢  
入村乞食不善護身不守根門眼見色已則

生染著耳聲鼻香舌味身觸皆生染著愚癡  
比丘內根外境被五縛已隨魔所欲是故比  
丘當如是學於自所行處父母境界依止而  
住莫隨他處他境界行云何比丘自所行處  
父母境界謂四念處身身觀念住受心法法  
觀念住佛說此經已諸比丘聞佛所說歡喜  
奉行

川四

如是我聞一時佛住舍衛國祇樹給孤獨園  
時尊者阿難與眾多比丘詣世尊所誓首禮  
足退坐一面尊者阿難白佛言世尊此諸年  
少比丘當云何教授云何為其說法佛告阿  
難此諸年少比丘當以四念處教令修習云  
何為四謂身身觀念住精勤方便不放逸行  
正智正念寂定於心乃至知身受心法法觀  
念住精勤方便不放逸行正念正智寂靜於  
心乃至知法所以者何若比丘住學地者未  
得進上志求安隱涅槃時身身觀念住精勤  
方便不放逸行正念正智寂靜於心受心法

法觀念住精勤方便不放逸行正念正智寂靜於心乃至於法遠離若阿羅漢諸漏已盡所作已作捨諸重擔盡諸有結正知善解脫當於彼時亦修身身觀念住精勤方便不放逸行正念正智寂靜於心受心法法觀念住乃至於法得遠離時尊者阿難歡喜隨喜作禮而去

如是我聞一時佛在跋祇人間遊行到鞞舍離國菴羅園中住川四時菴羅女聞世尊跋祇人間遊行至菴羅園中住即自莊嚴乘車出鞞舍離城詣世尊所恭敬供養詣菴羅園門下車步進遙見世尊與諸大眾圍繞說法世九

尊遙見菴羅女來語諸比丘汝等比丘勤攝心住正念正智今菴羅女來是故誠汝云何為比丘勤攝心住若比丘以生惡不善法當斷生欲方便精進攝心未生惡不善法不令起未生善法令生已生善法令住不忘修習增滿生欲方便精勤攝心是名比丘勤攝心

住云何名比丘正智若比丘去來威儀常隨正智迴顧視瞻屈伸俯仰執持衣鉢行住坐卧眠覺語默皆隨正智住是正智云何正念若比丘內身身觀念住精勤方便正智正念調伏世間貪憂如是受心法法觀念住精勤方便正智正念調伏世間貪憂是名比丘正念是故汝等勤攝其心正智正念今菴羅女來是故誠汝時菴羅女詣世尊所誓首禮足却住一面卅時世尊為菴羅女種種說法示教照喜示教照喜已默然而住卅時菴羅女整衣服為佛作禮合掌白佛唯願世尊與諸大眾明日受我請中食卅時世尊默然受請菴羅女知世尊默然受請已誓首禮足還歸自家設種種食布置牀座晨朝遣使白佛時到卅時世尊與諸大眾詣菴羅女舍就座而坐時菴羅女手自供養種種飲食食訖澡漱洗鉢竟時菴羅女持一小牀坐於佛前聽佛說法卅時世尊為菴羅女說隨喜偈



施者人愛念 多眾所隨從 名稱日增高  
遠近皆悉聞 處眾常和雅 離慳無所畏  
是故智慧施 斷慳永無餘 上生忉利天  
長夜受快樂 盡壽常修德 娛樂難陀園  
百種諸天樂 五欲悅其心 彼於此人間  
聞佛所說法 為善逝弟子 樂彼受化生

尔時世尊為菴羅女種種說法示教照喜示  
教照喜已從座起而去

如是我聞一時佛住波羅奈仙人住處鹿野  
苑中尔時世尊告諸比丘世間諸美色世間  
美色者能令多人集聚觀看者不諸比丘白  
佛如是世尊佛告比丘若世間美色世間美

川四

十

色者又能種種歌儻妓樂復極令多眾聚集  
看不比丘白佛如是世尊佛告比丘若有世  
間美色世間美色者在一處作種種歌儻  
伎樂戲笑復有大眾雲集一處若有士夫不  
愚不癡樂樂皆苦貪生畏死有人語言士夫  
汝當持滿油鉢於世間美色者所及大眾中

過使一能殺人者拔刀隨汝若失一滴油者  
輒當斷汝命云何比丘彼持油鉢士夫能不  
念油鉢不念殺人者觀彼妓女及大眾不比  
丘白佛不也世尊所以者何世尊彼士夫自  
見其後有拔刀者常作是念我若落油一滴  
彼拔刀者當截我頭唯一其心繫念油鉢於

世間美色及大眾中徐步而過不敢顧眄如  
是比丘若有沙門婆羅門正身自重一其心  
念不顧聲色善攝一切心法住於身念處者  
則是我弟子隨我教者云何為比丘正身自  
重一其心念不顧聲色攝持一切心法住身  
念處如是比丘身身觀念住精勤方便正智

正念調伏世間貪憂受心法法觀念住亦復  
如是是名比丘正身自重一其心念不顧聲  
色善攝心法住四念處尔時世尊即說偈言  
專心正念 護持油鉢 自心隨護 未曾至方  
甚難得過 勝妙微細 諸佛所說 言教利劍  
當一其心 專精護持 非彼凡人 放逸之事

川四

十一

能入如是不放逸教

佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園  
尔時尊者鬱低迦來詣佛所誓首佛足退坐  
一面白佛言善哉世尊為我說法我聞法已  
當獨一靜處專精思惟不放逸任思惟所以

善男子剃除鬚髮正信非家出家學道如上  
廣說乃至不受後有佛告鬱低迦如是如是  
如汝所說但於我所說法不悅我心彼所事  
業亦不成就雖隨我後而不得利反生障礙  
鬱低迦白佛世尊所說我則能令世尊心悅  
自業成就不生障礙唯願世尊為我說法我  
當獨一靜處專精思惟不放逸任如上廣說  
乃至不受後有如是第二第三請尔時世尊  
告鬱低迦汝當先淨其初業然後修習梵行  
鬱低迦白佛我今云何淨其初業修習梵行  
佛告鬱低迦汝當先淨其戒直其見具足三  
業然後修四念處何等為四內身身觀念住

專精方便正智正念調伏世間貪憂如是外  
身內外身身觀念住受心法於觀念住亦如  
是廣說時鬱低迦聞佛所說歡喜隨喜從座  
起而去時鬱低迦聞佛教授已獨一靜處專  
精思惟不放逸任思惟所以善男子剃除鬚  
髮著袈裟衣正信非家出家學道乃至不受  
後有如鬱低迦所問如是異比丘所問亦如  
上說

如是我聞一時佛住舍衛國祇樹給孤獨園  
時有異比丘名婆醯迦來詣佛所誓首禮足  
退坐一面白佛言世尊善哉世尊為我說法  
如前鬱低迦修多羅廣說差別者如是婆醯  
迦比丘初業清淨身身觀念住者超越諸魔  
受心法法觀念住者超越諸魔時婆醯迦比  
丘聞佛說法教戒已歡喜隨喜作禮而去獨  
一靜處專精思惟不放逸任乃至不受後有  
第二經亦如上說差別者如是比丘超越生死  
如是我聞一時佛住舍衛國祇樹給孤獨園

川四

十二

尔時尊者阿那律陀詣佛所誓首禮足退坐  
一面白佛言世尊若有比丘住於學地未得  
上進安隱涅槃而方便求是聖弟子當云何  
於正法律修習多修習得盡諸漏乃至自知  
不受後有佛告阿那律若聖弟子住於學地  
未得上進安隱涅槃而方便求彼於尔時當  
內身身觀念住精勤方便正智正念調伏世  
間貪憂如是受心法法觀念住精勤方便正  
智正念調伏世間貪憂如是聖弟子多修習  
已得盡諸漏乃至自知不受後有尔時尊者  
阿那律陀聞佛所說歡喜隨喜作禮而去  
如是我聞一時佛住巴連弗邑雞林精舍時  
尊者優陀夷尊者阿難陀亦住巴連弗雞林  
精舍尔時尊者優陀夷詣尊者阿難所共相  
問訊慰勞已退坐一面語尊者阿難如來應  
供等正覺所知所見為諸比丘說聖戒令不  
斷不缺不擇不離不戒取善究竟善持智者  
所歎所不憎惡何故如來應等正覺所見為

諸比丘說聖戒不斷不缺乃至智者所歎所  
不憎惡尊者阿難語優陀夷為修四念處故  
何等為四謂身身觀念住受心法法觀念住  
時二正士共論議已各還本處  
如是我聞一時佛住巴連弗邑雞林精舍尔  
時尊者阿難尊者跋陀羅亦在彼住時尊者  
跋陀羅問尊者阿難頗有法修習多修習令  
不淨眾生而得清淨轉增光澤耶尊者阿難  
語尊者跋陀羅有法修習多修習能令不淨  
眾生而得清淨轉增光澤謂四念處身身觀  
念住受心法法觀念住時二正士共論議已

川四

十三

各還本處

如是我聞一時佛住巴連弗邑雞林精舍。爾時尊者阿難尊者跋陀羅亦在彼住。時尊者跋陀羅問尊者阿難頗有法修習多修習能令未度彼岸衆生得度彼岸尊者阿難語尊者跋陀羅有法修習多修習能令未度彼岸衆生得度彼岸。謂四念處何等為四。謂身身觀念住、受心法法觀念住、時二正士共論議。已各還本處。

如是我聞一時佛住巴連弗邑雞林精舍。爾時尊者阿難尊者跋陀羅亦在彼住。尊者跋陀羅問尊者阿難頗有法修習多修習得阿羅漢尊者阿難語尊者跋陀羅有法修習多修習而得阿羅漢。謂四念處何等為四。謂身身觀念住、受心法法觀念住、時二正士共論議。已各還本處。如是我聞一時佛住巴連弗邑雞林精舍。爾時世尊告諸比丘所說一切法一切法者。謂

四念處是名正說何等為四。謂身身觀念住、受心法法觀念住。佛說此經已。諸比丘聞佛所說歡喜奉行。

如是我聞一時佛住巴連弗邑雞林精舍。爾時世尊告諸比丘。若比丘於四念處修習多修習。名賢聖出離。何等為四。謂身身觀念住

川四

十四

受心法法觀念住。佛說此經已。諸比丘聞佛所說歡喜奉行。

如出離如是。正盡苦究竟苦邊。得大果得大福利。得甘露法。究竟甘露甘露法。作證如上。廣說。

如是我聞一時佛住巴連弗邑雞林精舍。爾時世尊告諸比丘。若比丘於四念處修習多修習。未淨衆生今得清淨。已淨衆生今增光澤。何等為四。謂身身觀念住、受心法法觀念住。佛說此經已。諸比丘聞佛所說歡喜奉行。如淨衆生如是。未度彼岸者。今度得阿羅漢。得辟支佛。得阿耨多羅三藐三菩提。亦如上說。

如是我聞一時佛住巴連弗邑雞林精舍。尔時世尊告諸比丘當為汝說修四念處何等為修四念處。若比丘如來應等正覺明行足善逝世間解無上士調御丈夫天人師佛世尊出興于世演說正法上語亦善中語亦善下語亦善善善義善味純一滿淨梵行顯示者

族姓子族姓女從佛聞法得淨信心如是修學見在家和合欲樂之過煩惱結縛樂居空閑出家學道不樂在家處於非家欲一向清淨盡於形壽純一滿淨鮮白梵行我當剃除鬚髮著袈裟衣正信非家出家學道作是思惟已即便放捨錢財親屬剃除鬚髮著袈裟

川四

十五

衣正信非家出家學道正其身行護口四過正命清淨習賢聖戒守諸根門護心正念眼見色時不取形相若於眼根住不律儀世間貪憂惡不善法常漏於心而今於眼起正律儀耳鼻舌身意起正律儀亦復如是彼以賢聖戒律成就善攝根門來往周旋顧視屈伸

坐卧眠覺語默任智正智彼成就如此聖戒守護根門正智正念寂靜遠離空處樹下閑房獨坐正身正念繫心安任斷世貪憂離貪欲淨除貪欲斷世瞋恚睡眠掉悔疑蓋離瞋恚睡眠掉悔疑淨除瞋恚睡眠掉悔疑蓋斷除五蓋惱心慧力羸諸障礙分不趣涅槃者

是故內身身觀念住精勤方便正智正念調伏世間貪憂如是外身內外身受心法法觀念住亦如是說是名比丘修四念處佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園。尔時世尊告諸比丘當修四念處如上廣說差別者乃至如是出家已住於淨處攝受波羅提木叉律儀行處具足於細微罪生大怖畏受持學戒離殺斷殺不樂殺生乃至一切業跡如前說衣鉢隨身如鳥兩翼如是學戒成就修四念處佛說此經已諸比丘聞佛所說歡喜奉行

如是我聞一時佛在王舍城迦蘭陀竹園介  
 時尊者舍利弗住摩竭提那羅聚落疾病涅  
 槃純陀沙彌瞻視供養今時尊者舍利弗因  
 病涅槃時純陀沙彌供養尊者舍利弗已取  
 餘舍利擔持衣鉢到王舍城舉衣鉢洗足已  
 詣尊者阿難所禮尊者阿難足已却住一面

白尊者阿難尊者當知我和尚尊者舍利弗  
 已涅槃我持舍利及衣鉢來於是尊者阿難  
 聞純陀沙彌語已往詣佛所白佛言世尊我  
 今舉體離解四方易韻持辯閉塞純陀沙彌  
 來語我言和尚舍利弗已涅槃持餘舍利及  
 衣鉢來佛言云何阿難彼舍利弗持所受戒

川四

十六

身涅槃耶定身慧身解脫身解脫知見身涅  
 槃耶阿難白佛言不也世尊佛告阿難若法  
 我自知成等正覺所說謂四念處四正斷四  
 如意足五根五力七覺支八道支涅槃耶阿  
 難白佛不也世尊雖不持所受戒身乃至道  
 品法而涅槃然尊者舍利弗持戒多聞少欲

知足常行遠離精勤方便攝念安住一心正  
 受捷疾智慧深利智慧超出智慧分別智慧  
 大智慧廣智慧甚深智慧無等智慧智寶成  
 就能視能教能照能喜捨能讚歎為眾說法  
 是故世尊我為法故為受法者故愁憂苦惱  
 佛告阿難汝莫愁憂苦惱所以者何若坐若

起若作有為敗壞之法何得不壞欲令不壞  
 者無有是處我先已說一切所愛念種種諸  
 物適意之事一切皆是乖離之法不可常保  
 譬如大樹根莖枝葉華果茂盛大枝先折如  
 大寶山大巖先崩如是如來大眾眷屬其大  
 聲聞先般涅槃若彼方有舍利弗住者於彼

方我則無事然其彼方我則不空以有舍利  
 弗故我先已說故汝今阿難如我先說所可  
 愛念種種適意之事皆是別離之法是故汝  
 今莫大愁毒阿難當知如來不久亦當過去  
 是故阿難當作自洲而自依當作法洲而法  
 依當作不異洲不異依阿難白佛世尊云何

川四

十七

自洲以自依云何法洲以法依云何不異洲  
不異依佛告阿難若比丘身身觀念處精勤  
方便正智正念調伏世間貪憂如是外身內  
外身受心法法觀念處亦是說阿難是名  
自洲以自依法洲以依法不異洲不異洲依  
佛說此經已諸比丘聞佛所說歡喜奉行

如是我聞一時佛住摩偷羅國跋陀羅河側  
傘蓋菴羅樹林中尊者舍利弗目捷連涅槃  
未久尔時世尊月十五日布薩時於大眾前  
敷座而坐尔時世尊觀察衆會已告諸比丘  
我觀大眾見已虛空以舍利弗大目捷連般  
涅槃故我聲聞唯此一人善能說法教戒教  
授辯說滿足有二種財錢財及法財錢財者  
從世人求法財者從舍利弗大目捷連求如  
來已離世財及法財汝等莫以舍利弗目捷  
連涅槃故愁憂苦惱譬如大樹根莖枝葉華  
果茂盛大枝先折亦如寶山大巖先崩如是  
如來大眾之中舍利弗目捷連二大聲聞先

般涅槃是故比丘汝等勿生愁憂苦惱何有  
生法起法作法爲法壞敗之法而不磨滅欲  
令不壞無有是處我先已說一切可愛之物  
皆歸離散我今不久亦當過去是故汝等當  
知自洲以自依法洲以法依不異洲不異依  
謂內身身觀念住精勤方便正智正念調伏  
世間貪憂如是外身內外身受心法法觀念  
住精勤方便正智正念調伏世間貪憂是名  
自洲以自依法洲以法依不異洲不異依佛  
說此經已諸比丘聞佛所說歡喜奉行

雜阿含經卷第二十四

十六末

川四

迅飛上相搏音搏音鵜丑知音醫反聯音奉上巨力延反  
巧音面反又音幻反